

和張飛卿殿試韻

七赴皇都三經殿試怎知鍊氣綿綿心猿休歇意馬罷強顛燕
處申申快意仗清淨固住靈源玄玄處二光並秀照耀洞中天
勸君開覺悟休馳才俊聽取予言有逍遙妙路無說無傳決
烈一刀兩段絕緣慮自是通之真功就留侯的裔繼踵作神仙

讚重陽真人顯異

憫化真人重陽師父頭頭物物皆通歸期預指語話似心風果
應南京行上昇霞後教訓臧公師父重陽真人當日昇霞至暮
時分臧公在南京遇之尙不知
昇霞猶以為生後方
知之其速有如此者歧陽鎮頂冠下界為我再傳功 華亭城
西現救予疾苦氣布身中在文登雲上顯出慈容縣宰尼彪虎

道藏輯要

洞玄金玉集

卷

胃集六

見經頃刻復返天宮真寶事古今希罕自是足人崇

退姜四翁所惠團襖

一紀環墻數年赤腳嗟他寒冷如囚超然一志決要行功周感
得神仙下界向身中布氣如流無凝滯冲和上下相應好因由
關西牒發我遠來東土恣意貪求做天來大錯敢受綿裘結
裏身如團圉招譴責厥疾難瘳還團襖瀟瀟灑灑襤褸顯真修

嘆憨漢

鏡內蒼顏梳間白髮猶然騁俊剛求不愁自己貪為子孫憂日
日爭名競利時時地籌運機謀堪失笑這般憨漢直待死方休
人還依我勸無常事緊性命堪搜願諸公惺灑慷慨回頭莫